

Mokanda nwa Polo nwa ntubo oka Bakoliti Maphoo ma etatele

Polo aingolaka ingomba sa Koliti o imbanga see saa ibale. Akyelaka omoo makombe ikoo na nzwambe (18); (Bitoma 18.1-18). Koliti yabaka monomoo na nkyisi ya ngambo o Gelesi phoo bamotonga onte ya bibale bibale bili na mabongu na mophaa na mophaa. Maphoo maabe maikye mabaka malekane omoo. Bato ba Koliti babaka babengye maumunya ndengye na ndengye na masambo ndengye na ndengye. Emba ingomba siinyakune sa baanosi saa ingolaka Polo omoo sabaka simekame na maphoo maikye, emba maphoo me mabaka matungyisa toma Polo na bokusi.

Waamana Polo o Koliti, abaka kazwe masimo maikye maabe phoo ya baanosi ba Koliti. Emba Polo amba ya bakomela mokanda nwe nwa ntubo mumu o Efese (Bitoma 19).

Mokanda mumu moli na maphoo mama:

- 1 Bakoliti 1.1-9: Ibeya na iphe melesi
- 1 Bakoliti 1.10-4.21: Mateya maakyekyi ikabwana
- 1 Bakoliti 5-7: Mateya maakyekyi:
 1. Maphoo maa soo onte ya ingomba (5.1-13)
 2. Booka (6.1-11)
 3. Ikyelela nzoto phoo ya Nkolo (6.12-20)
 4. Maphoo maakyekyi bolonga (7.1-40).

- 1 Bakoliti 8.1-11.1: Biyano pho ya maphoo makyekyi izaa manyama maambya bée mambeka oka manzambe maa bikyeko, na mobesi onte ya bato bate baefe Nwaphongo
 - 1 Bakoliti 11.2-15.58: Biyano o maphoo maakyekyi:
 1. Masanga ma baanosi na elambo ya Nkolo (11.2-34),
 2. Makabo ma Bolobo Bosantu (12-14), Iakwa sa bawee (15)
 - 1 Bakoliti 16.1-4: Mabonza pho ya bato ba Nwaphongo baa Yelusaleme
 - 1 Bakoliti 16.5-24: Maloba ma isokya
- O maphoo maso mama toma Polo kateya ndengye'ye iba onte ya Klisto sikokyi iunva maphoo maso maamana. Lowoo loolekyi maso eli laakolo lozingo.

Ibeya

¹ Inga Polo, owa bangama ibaa toma wa Yesu Klisto na phowa ya Nwaphongo, na nwebi Sositene,

² oka bée ingomba sa Nwaphongo siili o Koliti, na baanola Nwaphongo na nzela ya Yesu Klisto, na bée baabangama ibaa basantu, na baso baabangye o bilele biso nkombo ya Nkolo Yesu Klisto, ooli Nkolo ya bée na ya banga, toekomesi mokanda mumu.

³ Le obokye Ango wa banga, na Nkolo Yesu Klisto baephe ngolu na bose.

Nwaphongo kalophe bolaa na nzela ya Yesu Klisto

⁴ Naphe Nwaphongo melesi imbele siso pho ya b̄ēe, pho ya ngolu ya Nwaphongo eya ephēkye yo na nzela ya Yesu Klisto.

⁵ Onte ya Klisto, Nwaphongo aetonza na makabo maso: Makabo maso maa iwɔɔ na maa boebi.

⁶ Eli obokye Simo ya Klisto eya eyaimolaka banga, ya phikama onte ya b̄ēe,

⁷ na ndengye ya obokye b̄ēe sazanga nɔnɔ ikabo sɔnɔsɔ sa Nwaphongo, b̄ēe baaziya imbele saamiweninya Nkolo ya banga Yesu Klisto.

⁸ Eli nde yo owamoelenza nɔnɔ o suka, pho b̄ēe sa baa nɔnɔ na lowɔ lonɔlo loobe mokolo ηwaamoyaa Nkolo Yesu Klisto.

⁹ Yo taalekyinya mambunu me, Nwaphongo owaebanga iyaangana na Nwana we Yesu Klisto, Nkolo ya banga.

Ikabana onte ya Ingomba

¹⁰ Bande, na nkombo ya Nkolo ya banga Yesu Klisto, naelenza obokye obe na booka, ikabana sango sabaa onte ya b̄ēe, baa moto mɔnɔmɔ onte ya molimo mɔnɔmɔ na maumunya mɔnɔmɔ.

¹¹ Pho, bande na nga, bato ba Kolowe banzimola obokye tɔko eli onte ya b̄ēe.

¹² Nalukye iwɔ bofo: Mɔnɔmɔ na mɔnɔmɔ na b̄ēe kawɔ bofo: «Nga nali moto wa Polo», oyɔko yokye: «Nga moto wa Apolo», ona mosu yokye: «Nga moto wa Petelo», ona mosu me yokye: «Nga moto wa Klisto.»

¹³ Klisto amiwata na maalo? Eli Polo owa bakaka b̄ēe o ekulusu pho ya b̄ēe? B̄ēe wa batisamaka na nkombo ya Polo?

14 Naphe Nwaphongo melesi, pho inga siika batisa nono moto monomomo onte ya bεε, manya nde Klisipusu na Gayo.

15 Pho moto sa wo obokye abatisamaka na nkombo ya nga.

16 Aa! Nakulaka batisa na ibota sa Setefane. Bo sibungyi phe, siebe obokye nakulaka batisa na moto mosuu.

17 Pho Klisto taika ntoma obokye naya batisa bato, kasi antoma nde obokye naya imola Simo Elaa, nga sa eimola na mayele ma bomoto, pho iwaa se o ekulusu sango sabaa sa pha.

Mwiya nwa ekulusu

18 Pho simo ya ekulusu, eli lowo la bobubusi oka bato baabunga, kasi pho ya banga baali o nzela ya ibikiyi, simo me eli mwiya nwa Nwaphongo.

19 Pho wakomama bobo: «Namooto zebi sa bato baazebi, namobuya pha malondo ma bato ba malondo.»

20 Emba bato baa zebi bamowo bo? Naa bato baekola? Naa bawo ba phoo ba imbele sisi? Nwaphongo aweninya obokye zebi sa mokyisi mumu sili nwaa!

21 Pho, mokyisi na nzela ya zebi, tenwaikaeba Nwaphongo na zebi se. Eli nde na nzela nwaa nwa mateya, Nwaphongo aweni bolaa obokye abikya baanole.

22 Bayuda baongye bilekyesako, emba Baela balukye zebi.

23 Kasi banga toimole Simo ya Yesu Klisto owa bakyyaka bεε o ekulusu. Pho ya Bayuda bawene

obokye mena Simo ya soo. Nzuka pho ya bato bate bali Bayuda, bεεkye: Mena Simo ya ηwaa.

²⁴ Kasi pho ya bato baabanga Nwaphongo, ebe Bayuda, ebe bate bali Bayuda, bawene obokye Yesu Klisto ali mwiya na boebakye pha Nwaphongo.

²⁵ Pho ηwaa ηwa Nwaphongo moli zebi koleka zebi sa bato. Emba bokoo pha Nwaphongo boli bokusi koleka bokusi pha bato.

²⁶ Bande, taakyeke naino bεε bato baabanga Nwaphongo, bεε oli ba nza? Onte ya bεε, bato baa zebi tebali baikye, bato ba mwiya tebali baikye, bato ba ngambo tebali baikye.

²⁷ Kasi Nwaphongo aolo bawenene bato ba nyaa o miyo ma bato, obokye aphe baali na zebi soo. Aolo baali na bokoo o miyo ma bato, obokye aphe baali na bokusi soo.

²⁸ Aolo bawene bεε pha, batirole bεε na batebali na ntina o miyo ma bato pho ya iphe bato baangambo soo.

²⁹ Yango mena, moto na monomo takokyi imitata o boo pha Nwaphongo.

³⁰ Nwaphongo aebuya bεε na Yesu Klisto moto monomo. Klisto ali pho ya banga zebi siute oka Nwaphongo: Na nzela ye, tobuto bato ba bosembo na bosantu o boo pha Nwaphongo, oolokunyosi bofe bosoo ambi na lomanya o boombo.

³¹ Yango mena buku pha Nwaphongo bowoo bofo: «Bo moto kazingye imitata, amitate nde na maphoo maakyela Nkolo.»

2

Polo aimosi Simo ya Yesu owa bakyaka bée o ekulusu

¹ Bande, waayakaka nga oka bée, obokye naya eimola maphoo ma phele ma Nwaphongo maa bombama, sika eimola mango na yela ya nga ya iwoo, naa na boebakye pha bomoto.

² Pho nakanaka obokye nga sa eimola lowoo losuu, naeimola nde Simo ya Yesu Klisto; Yesu Klisto owa bakyaka bée o ekulusu.

³ Yango mena, imbele saakoma nga oka bée, sikaka ba na bokusi; nabaka naile, nabaka natekyenele.

⁴ Mateya ma nga, na maphoo maa baka nga naeyimole, siikaka ba na mawoo na boebakye pha bomoto. Eli nde Boloboo owa baka kateya mwiya nwe o maphoo ma baka nga na woo.

⁵ Yango mena, ianola sa bée ete siute na zebi sa bomoto, kasi nde na mwiya njwa Nwaphongo.

Zebi sa Nwaphongo

⁶ Banga toimole zebi oka baanosi baalongoba o miyo ma Nwaphongo. Kasi teli zebi sa mokyisi mumu, naa pha bakonzi ba mokyisi mumu; phoo be, bakomi o suka.

⁷ Banga toimole zebi sa Nwaphongo saa bombama; asibomba na bato ba mokyisi. Nwaphongo, mena yo sa taakyela mokyisi, akanaka, yokye, aloteya sango obokye banga tozwe ngambo.

⁸ Nonoo monoomoo na bakonzi ba mokyisi mumu, taika eba zebi sa Nwaphongo; bo basiebaka, nde tebabakya Nkolo owa nkyemo o ekulusu.

⁹ Kasi eli nde bo wakoma bée o buku obokye: «Maphoo mali naino moto sawene na saoka, na mali moto monomo sa umunya, Nwaphongo aunva ma bongya pho ya bato bamozingye.»

¹⁰ Nwaphongo aimola sekyele ye nde banga; eli Bolobo phe moto owaloimola yango. Iyo, Bolobo kaebe maphoo maso, ebe na maumunya ma Nwaphongo maa bombama.

¹¹ Oka moto, nde Bolobo booli onte ye, boebe maphoo maso maali o ndondo ye. Kasi moto mosuu taamaebe. Nde bomo me, maumunya ma Nwaphongo, kyemaebe nde Bolobo.

¹² Banga, toloika zwa Bolobo boute o mokyisi mumu, kasi tozwa nde Bolobo boute na Nwaphongo, obokye toebe maphoo malaa malokyele yo.

¹³ Emba toloowo maphoo me na zebi siteya bato, kasi towo maphoo me na maloba maaloteya Bolobo pha Nwaphongo. Na bomo tolimbole maphoo ma Bolobo pha Nwaphongo nde oka bato bali na Bolobo me.

¹⁴ Moto otooli na Bolobo pha Nwaphongo, takoyi eba maphoo ma phele maaute na Bolobo me. Oka ye, maphoo me mali ndokolo nyaa; takoyi imaeba, pho bamaebe nde booli na Bolobo me.

¹⁵ Yango mena, moto oli na Bolobo pha Nwaphongo, akoyi eba maphoo maso, na maabe na malaa; kasi maakyele yo moto takoyi wo obokye mali mabe.

¹⁶ Pho o buku pha Nwaphongo bakoma obokye:

«Okoebe maumunya ma Nkolo nza?

Okokyi imoteya nza?»

Kasi banga, toli na maumunya ma Klisto.

3

Bato baetoma ba Nwaphongo

¹ Bande, sikokakyi iyewɔɛ ndokolo bato baali na Bolɔɔɔ pha Nwaphongo, kasi naewɔsi ndokolo bato ba mokyisi mumu, phɔ bɛɛ otaa baa bana bakye o ianola Klisto.

² Naephɛkyɛ nde maɔku, kasi ntoma inkusi phe, phɔ ntoma inkusi tiikiyi koka na bɛɛ. Ebe na uɲwanɲa eye, tokokyi nana yango.

³ Phɔ bɛɛ otaa baa naino ibika ndokolo bato ba mokyisi mumu. Oli na zuwa na ná iwelana onte ya bɛɛ. Mena toteya obokye oli naino nde bato ba mokyisi mumu, na obokye kombe mitambwisa na bomoto?

⁴ Waawɔ mɔnɔmɔ na bɛɛ obokye: «Inga moto wa Polo», omoyɔkɔ yokye: «Inga moto wa Apolo», mena tokyele nde bookokyele bato ba mokyisi?

⁵ Apolo ali nza? Na nga Polo nali nza? Banga basɔ toli nde bato baetoma ya Nwaphongo. Na nzela ya banga, bɛɛ obuto baanosi. Banga basɔ babale, moto na moto kakokya etoma eya mophe Nwaphongo obokye aekyele:

⁶ Toli ndokolo babasi ba manzabi. Inga naphikiyi mumboto, Apolo amosweye maa. Kasi okomokosa, eli nde Nwaphongo.

⁷ Yango mena, na moto ophikakyi, na osweyakyi maa, bɛɛ basɔ babale bali nde phaa.

Kasi eli nde Nwaphongo okyesi etoma eso, pho yo moto ookose mumboto mamuna.

⁸ Moto ophikakyi, na moto osweyakyi maa, bakokaa. Nwaphongo amophe moto na moto mbano ekokaa na etoma ekyesi yo.

⁹ Pho banga na Apolo toli bato ba etoma ba Nwaphongo, emba bεε, oli inzabi na ingambi sa Nwaphongo.

¹⁰ Nakyelele na bolaa makafo mampe Nwaphongo, ndokolo moto okoebe itonga ingambi. Nasiwangya na bolaa. Kasi o sima moto mosuu aesi ya sitomga. Kasi moto na moto akyebe na motongyesi nwe.

¹¹ Ingambi saunva wangyema, iwangya me eli nde Yesu Klisto. Moto mosuu takokyi ikula wangya mowangyesi mosuu, nde nwango mamuna.

¹² O elele eewangye bεε ingambi me, bana bamotonga na itela, baayoko na bibuni ba motiya, bayoko na mabanga ma motiya. Bayoko bamotonga na makonzi, na maakyi, na ná ndele.

¹³ Mokolo nwamotena Nwaphongo bolombe, etoma ya moto na moto yamowenene, pho mokolo me bitoma me biamowenene onte ya nwenya. Nwenya me nwa moteya bowakyelaka moto na moto etoma ye.

¹⁴ Bo ingambi sa moto tesizikiyi na nwenya, nwanaka etoma ye eli elaa, yo amozwa mbando ye.

¹⁵ Nzuka bo ingambi sa moto sizikiyi, amozanga mbano, kasi yo mampenza amobika. Yamoba ndokolo moto abikiyi o iwaa sa nwenya.

¹⁶ Bεε koebe na bolaa ofokye oli Tempelo ya

Nwaphongo, na Bolobɔ pha Nwaphongo bozale onte ya bɛɛ.

¹⁷ Bo moto aɔti Tempelo ya Nwaphongo, Nwaphongo ne aamɔɔɔ. Pho Tempelo ya Nwaphongo eli esantu. Na bɛɛ oli ndokolo Tempelo ye.

¹⁸ Moto sa mikosa. Bo moto mɔnɔmɔ onte ya bɛɛ kaumunya obokye ali na zebi o miyo ma bato ba mokyisi mumu, abutwe ndokolo moto wa ηwaa obokye ambe zwa saakolo zebi.

¹⁹ Pho zebi sa bato ba mokyisi mumu, sili ηwaa o miyo ma Nwaphongo. O buku pha Nwaphongo wakomama bobo: «Zebi sa bato ba mokyisi mumu, sibutwe izengye si babisa na Nwaphongo.»

²⁰ Bakula na koma bobo: «Nkolo kaebe maunya ma bato baali na zebi. Kaebe obokye maunya me mali nde pha.»

²¹ Yango mena, moto sa mitata pho ya nwebi ne moto, maphɔɔ maso mali ma bɛɛ.

²² Ebe Polo, ebe Apolo, ebe Petelo, ebe mokyisi, ebe bomɔɔ, ebe iwaa, ebe maphɔɔ ma lolɔ eye, ebe maphɔɔ maamoya, iso ili ya bɛɛ.

²³ Kasi bɛɛ, oli bato ba Klisto, Klisto ali moto wa Nwaphongo.

4

Batoma ba Klisto

¹ Esengyesi obokye olokpe ndokolo bato baetoma ba Klisto. Maphɔɔ ma phele maa bomba Nwaphongo, mali onte ya banga.

² Ekpele ekyeongye b́́e oka moto oophe b́́e etoma, eli nde obokye akyele etoma me na bosembo.

³ Ebe b́́e, ebe bato basuu, okokyi invole obokye nakyele maphoo mabe naa malaa. Oka nga tewakyele ekpele. Na nga mampenza, sikokyi imitenela bolombe.

⁴ O bosembo, simiwene obokye nakyele maphoo mabe, kasi mena telukye iwo obokye nakyele nde maphoo malaa na malaa. Eli nde Nkolo moto owamuntenela bolombe.

⁵ Yango mena, bo imbele saa meka Nkolo naino tesikokyi, b́́e satatenela moto bolombe. Taaziya Nkolo ayee: Nde yo moto owamoya weninya maphoo maso maabombama na maumunya maali o mandondo ma bato. Emba moto na moto amozwa ngambo ekokyi ne oka Nwaphongo.

⁶ Bande, naekpesi ete ya nga mampenza, na ya Apolo pho ya ieteya. Nazingyi obokye na nzela ya banga, ombe na eba ntina ya ete ekyewo bofo: «Suka nde o Mifeko, saakala». Emba b́́e saba na lolendo la iba mbale na moto monomo ombe iina omoyoko onte ya b́́e.

⁷ Kolekye bebi baayoko na ekpele'ye? Iso ili na we, Nwaphongo aephe yango nde boephe. Ka emba bo aephe yango nde boephe, pho ya'ye kombe mitata na yango ndokolo wa izwa nde na bokusi pha we mampenza?

⁸ Bokoumunya obokye ombo zwa iso isengyesi na b́́e, ombo zwa na bizwele biikye! Koumunya na obokye b́́e obuto bakonzi, kasi banga phe! Nazingye obee baakolo bakonzi, pho na banga

tobe bakonzi boli b̄εε.

⁹ Nga naebe obokye banga batoma, Nwaphongo alokyela o molongo n̄wa suka: Toli ndokolo bato bazwe etumbu ya iwaa, pho ya obokye balobome o miyo ma bato ba mokyisi mobimba na ma baanzelu.

¹⁰ Banga toyeyya pho ya Klisto, kasi b̄εε kounyana obokye oli bato ba zebi. Banga toli bakoo, kasi b̄εε kounyana obokye oli na bokusi. Banga toli bato pha, kasi b̄εε kounyana obokye oli bato banene.

¹¹ Nono unwanwa eye, banga towe na manzala na ná phowa ya maa, tololi na bitobu. Balowande, tozangye ingambi, tokyemiengyebana mboka eso,

¹² towene mpasi na iluka na maboko ma banga mampenza. Walotole b̄ε, banga tobapambole, walonyokolo b̄εε banga toititale,

¹³ walosongyele b̄εε na maphoo mabole, banga tobabuyisa maphoo malaa. Nono unwanwa eye balowene ndokolo sokoto ya mokyisi, ndokolo vala.

¹⁴ Sikyi ekomela maphoo mamana pho ya obokye naephe soo, kasi pho ya obokye naeteya ndokolo bana ba nga baalozingo.

¹⁵ Na bo ozwe bateye nkoto iko baeteya na nkombo ya Klisto, oli nde na Ango monomo, pho eli nde nga moto owa ebota onte ya Yesu Klisto, imbele sa eyelela nga na Simo Elaa.

¹⁶ Emba naongye na b̄εε obengye matambe ma nga.

¹⁷ Yango mena, naetomesi Timote. Ooli n̄wana wa nga wa lozingo, na owa anola Nkolo na

ndondo yɔnɔyɔ. Iyo amoekundolela maphɔɔ matambule na nga bomɔɔ pha nga onte ya Yesu Klisto, na bookoteya nga mateya ma nga mboka eso o mangomba maso.

¹⁸ Bato baayɔkɔ onte ya bɛɛ batondi na lolendɔ, phɔ baumunya obokye esiya ekyeka.

¹⁹ Kasi bo Nwaphongo anosi, namoya oka bɛɛ nde minkɔlɔ iye. Emba esi bengye maloba ma bato balolendɔ babana, kasi namokyeka mwiya nwa bɛ.

²⁰ Phɔ bokonzi pha Nwaphongo teli lowɔ la maloba, kasi nde la mwiya.

²¹ Bɛɛ kozingye'ye? Naeyelele na phimbo ndee naeyelele na lozingo losɔ nana bose?

5

Lowɔ loobe onte ya ingomba

¹ Inga naokye bakye miwɔɔ mboka eso obokye lowɔ lonɔlɔ la sɔɔ loli onte ya bɛɛ, eli lowɔ lonɔlɔ loobe la obokye na bato baatebaebe Nwaphongo te bakokyi ilokyela. Naokyi obokye moanosi monomɔ onte ya bɛɛ kalale na nɔwasi wa ango.

² Bɛɛ unwanwa eye otaa ba na lolendɔ! Ekokakyi obokye bɛɛ obe na ngɔngɔ, na moto owakyela lowɔ la sɔɔ lalona, yabaka obokye bɛɛ omowiinya onte ya bɛɛ.

³⁻⁴ Phɔ ya nga, na bo nali itakye na bɛɛ na nzoto, kasi o molimo nali na bɛɛ elele yɔnɔyɔ. Na nkombo ya Nkolo ya banga Yesu, nambo nyete moto okyesi lowɔ loobe lalona, ndokolo nabaka na bɛɛ elele yɔnɔyɔ. Wamoangana bɛɛ, namoba

na b̄ēe elele yonoyō o molimo, mwiya ŋwa Nkolo ya banga Yesu ŋwamowenene.

⁵ Emba yengyelakyi obokye b̄ēe oambya moto m̄ona oka Molemba ph̄o nzoto ya masumu iwee, kasi abikye o molimo mokolo ŋwa moya Nkolo.

⁶ Tololi na lowo la imitata wawana, b̄ēe koebe na bolaa obokye: «Ŋwana ndambo wa muno mokyele na b̄ēe mapa moulole beseni mobimba ya faline.»

⁷ B̄ēe koebe obokye Bayuda oeseleko ya b̄ēe ekyeumunya b̄ēe itokolo sa b̄ēe o Ezipito, bavakye n̄o iso ya kalakala, bambe zaa mapa ma sika matemaika kyela b̄ēe na munoo. Na b̄ēe kyelaka nde bomo, ph̄o obutwe mapa maa sika maazangi munoo. Ph̄o banga toli na eseleko ekyeumunya b̄ēe itokolo sa b̄ēe o Ezipito eya sika.

⁸ Tokyele eseleko ya banga, tolloeze na mapa makyela b̄ēe na muno ŋwa kalakala ŋwa masumu na maphoo maabe, kasi na mapa mate mali na munoo, yango eli maphoo ma bosembo na maa phele.

⁹ O mokanda ŋwaekomelaka nga phanza, nawoko na b̄ēe ngakye, b̄ēe saangana na bato baakyele mobulu ŋwa babasi na bampele.

¹⁰ Bo nawoko babona, teli obokye b̄ēe olote bato baso baatebaebe Nwaphongo. Bo yabaka obokye olote bato baso baakyele mobulu ŋwa babasi na bampele, baamengyele mbolo ya bebi, bali baibi, baasambeke bikyeko, b̄ēe nde omanakyi o mokyisi mumu.

¹¹ Kasi naekomelaka babona obokye b̄ēe saangana na bato bawo obokye bali baanosi,

nzuka bakyele maphoo maa soo, bali na looto, basambele ma nzambe ma bikyeko, fatole bato, bakule mengyela mbolo ya bebi, balangye maleku naa baibi. Esengyesi obokye bee sazaana na bato ba ndengye mena elele yonoyo.

¹²⁻¹³ Yango mena, teli lowo la nga obokye natene bolombe pha bato baatebali baklisto. Eli nde Nwaphongo owaa batenela bolombe. Kasi bee, esengyesi obokye okyekye maphoo ma bebi na bee. Wakomama bobo: «Wiinya bato baabe onte ya bee.»

6

Isongyelana onte ya baklisto

¹ Bo monomo na bee azwe lowoo na nwebi ne moanosi, pho ya'ye kakye aamba na nwebi ne moanosi o boo pha bananga batebaebe Nwaphongo? Pho ya'ye taiki kyende oka bato ba Nwaphongo?

² Bee toebe obokye bato ba Nwaphongo bamotena bolombe pha munse muso? Ka bo bee wa motena bolombe pha munse muso, tombi koka itena bolombe o maphoo makiyakiyaki?

³ Bee toebe obokye banga bato bamotena bolombe pha baanzelu? Emba tomba otwa itena bolombe pha maphoo ma bomoo pha banga o mokyisi mumu?

⁴ Wazwe bee toko ndengye mena, bee kokye kpa bananga bato bate bali o ingomba.

⁵ Nawo babona pho naephe soo! Eli phele obokye onte ya bee tombi baa nana moto

mōnōmō wa zebi okokyi ibongya maphōō bo
bēbi bāzwe tōkō?

⁶ Kasi ndengye'ye moanosi mōnōmō bo ali na
ŋwambo na nwebi nē, bāambe kye saamba o boō
pha bānanga bāatebali bāanosi?

⁷ Nde phēē, lowō la nsambo onte ya bēē, loteya
obokye bēē obungyi. Bo moto kaekyele maphōō
maabe, phō ya'ye bēē tokuya? Bo moto kaebōlōlō
ekpele, phō ya'ye tomolele yango?

⁸ Kasi eli nde bēē mampenza bāakyele maphōō
maabe na bābōlōlō bato mbolo! Kokyele na
bābōna na bēbi na bēē bāanosi!

⁹ Bande, koebe obokye bato bāakyele maphōō
mabe ete banyōlō o bokonzi pha Nwaphongo.
Bēē samikosa! Eli bato bāakyele maphōō ma sōō,
basambele bikyeko, bato bāakyele bāphemba,
bampēle bāalale na bēbi na bēē bampēle,

¹⁰ ebe bāibi, ebe bāamengyele mbolo ya bēbi,
ebe bālangyi bā malēku, ebe bato bāatole bēbi
na bē, ebe bato bāabōlōlō mbolo ya bēbi na bē,
bēē basō ete banyōlō o bokonzi pha Nwaphongo.

¹¹ Onte ya bēē bāayōkō bābāka ndengye mēna.
Kasi Nwaphongo akunyola bōbe pha bēē, aeyōlō
obokye obe bato bē, aebuya bato bā bōsembo o
boō phē phō koanole Nkolo Yesu Klisto, na nzela
ya Bōlōbō pha Nwaphongo bōoli onte ya bānga.

Nzoto ya wē oikyelele na Nwaphongo

¹² Bana onte ya bēē bawō bēkye: «Nakokyi
ikyela maphōō masō maazingyi nga.» Eli bōmō.
Kasi maphōō masō temali malaa phō ya bēē.
Nakokyi iwō ngakye: «Nakokyi ikyela maphōō

maso maazingyi nga.» Kasi esiimile ibutwa moombo nwa maphoo mamana.

¹³ Kokule nawo pho ya ntoma ya izaa obokye: «Ntoma ili pho ya ibuu, ibuu sili pho ya ntoma.» Eli bomo, kasi Nwaphongo amoboma iso ibale. Kasi pho ya maphoo makyekyi bondumba, nzoto ya moto teyaika kyelama pho ya bondumba, kasi pho ya Nkolo. Eli nde Nkolo oli mokonzi nwa nzoto.

¹⁴ Pho ndengye eya kundola Nwaphongo Nkolo Yesu onte ya bawee, alokundola na banga nde bomo na mwiya nwe.

¹⁵ Bèè toebe? Nzoto ya bèè ili binango ba nzoto ya Klisto. Emba, nakokyi ikpa enango ya nzoto ya Klisto naebuya enango ya nzoto ya nwanwasi wa ndumba? Tewakokyi ikyelama na mbala!

¹⁶ Pho moto okoangane na nwanwasi wa ndumba, abuto nne moto monomo. O buku pha Nwaphongo bakoma bobo: «Be babale bamobutwa moto monomo.»

¹⁷ Kasi moto okoangane na Nkolo, kabutwe ne moto monomo o nzela ya Bolobo.

¹⁸ Bèè lota bondumba. Masumu maso maasu makokyi ikyela moto, temaoto nzoto ye, kasi moto omiambye na bondumba, kaoto nzoto ye mampenza.

¹⁹ Bèè toebe obokye nzoto ya bèè ili Tempelo ya Bolobo Bosantu? Pho Nwaphongo aephe Bolobo Bosantu boozale o nzoto ya bèè. Emba toli bakolo ba nzoto ya bèè.

²⁰ Beè, Nwaphongo aeyomba boombi na motiya moikye, yango mena osengyesi ikyelele nzoto ya bèè pho ya iphe Nwaphongo nkyemo.

7

Maphɔɔ maakyekyi bolonga

¹ Phɔ ya maphɔɔ mankomelaka bɛɛ o mokanda, na wɔ bofo: Eli bolaa obokye lele yo salonga.

² Kasi ombi ba maphɔɔ ma sɔɔ maikye onte ya bɛɛ, esengyesi obokye lele munsɔ abee na nwanwasi wɛ, na nwanwasi musɔ abee na lele wɛ.

³ Lele asengyesi ikokya phowa ya nwanwasi wɛ, na nwanwasi aengyesi ikokya phowa ya lele wɛ.

⁴ Nwanwasi tali na bokonzi mi nzoto yɛ, kasi nde lele wɛ. Nde bomɔ phɔ ya lele, lele tali na bokonzi mi nzoto yɛ, kasi nde nwasi wɛ.

⁵ Bɛɛ sakabana matangye, boteebe obokye ooka ikabana matangye nwana imbele phɔ ya ibondɛɛ. Emba sima ombe ya butwa bo wamele bɛɛ, botebe bomɔ, otoebe imibatela, Molembe amoluka malondo obokye bɛɛ okaa.

⁶ Maphɔɔ maaewɔle nga mama, teli obokye naetomisa ikyela bomɔ, kasi mena naephɛ nde nzela obokye, bo bɛɛ ozingyi ilonga, teli bofo.

⁷ Eli phɛɛ, nazingye obokye moto munsɔ abe ndenga boli nga, kasi Nwaphongo kaphɛ moto na moto ikabo sikokyi nɛ.

⁸ Phɔ ya mandenga na mazengye, na wɔ na bɛɛ ngakye eli bola obokye obe booli nga.

⁹ Kasi bo bɛɛ otokokye ikuya, eli bolaa obokye olongye na obokye owee na phowa.

¹⁰ Oka bɛɛ baunva longa, naephɛ motindo moote muute na nga, kasi moute na Nkolo:

Nwanwasi wa bolonga takokyi ikabana na lele we.

¹¹ Kasi bo nwanwasi ale lele we, yo sakula zala bolonga bosuu, naa akule bongya yo na lele we. Na lele ne, takokyi ile nwanwasi we.

¹² Oka bato bayoko, nawo bobo (eye kyewo nga mampenza, teewo Nkolo): Bo lele, ooli moklisto, ali na nwanwasi otoebe Nwaphongo, bo nwanwasi me ali na phowa ya iikala izala ne, lele mona takokyi imole.

¹³ Nde bomo me, bo nwanwasi ooli moklisto ali na lele otoebe Nwaphongo, bo lele me ali na phowa ya iikala izala ne, nwanwasi mona takokyi imole.

¹⁴ Pho lele otoanole Klisto, Nwaphongo aunva nwanola pho aangana na nwanwasi oli manosi. Nde bomo na nwanwasi otoanole Klisto, Nwaphongo aunva nwanola pho aangana na lele oli manosi. Bo tebe babona, bana ba bexe bamoba sokoto, nzuka Nwaphongo aunva baanola.

¹⁵ Kasi bo moto otoli moanosi azingyi imana o bolonga, amane ndeto. O maphoo mandengye mena, moanosi owa lele na owa nwanwasi tali moombo nwa bolonga, Nwaphongo aebangaka pho bexe ozale na bose.

¹⁶ Pho iwe nwanwasi ooli moklisto, wamoeba ndengye'ye obokye wamobikya lele wa we? Na we lele ooli moklisto, wamoeba ndengye'ye obokye wamobikya nwanwasi wa we?

Moto na moto aikale ndengye eya mobangaka Nwaphongo

17 Manya nde lowo lalona, pho ya maphoo maayoko maso, moto na moto aikale ibika nde na iyalo se saamophe Nkolo, na bo wabaka yo phanza imbele saamobangaka Nwaphongo. Mena eli motindo moophe nga o mangomba maso.

18 Bo moto bamobelekye o boo pha izwa yo mbela ya Nwaphongo, aikale nde bomo, bo moto abaka mungbotu wazwa yo mbela ya Nwaphongo, yo sa mibele.

19 Baebele, baabe saebele: Tewali na ntina. Lowo la ntina eli nde ikokya maphoo maatome Nwaphongo.

20 Esengyesi obokye moto na moto aikale bo wabaka yo imbele saazwa yo mbela ya Nwaphongo.

21 Wabaka moombo imbele saebanga Nwaphongo, sa mitungyisa na lowo me. Ka bo ozwe nkonzoo ya ibutwa somi, omibuya somi bobele.

22 Moombo, owabanga Nkolo, ali moto oomani o boombo, abuto moto wa Nkolo. Nde bomo me, somi owabanga Klisto, ali moombo nwe.

23 Nwaphongo aeyomba na motiya moikye, bee sabutwa baombo ba bato.

24 Bande, moto na moto aikale o boo pha Nwaphongo nde bo wabaka yo phanza, waamozwa mbela ya Nwaphongo.

Maphoo maakyekyi mandenga na mazengye

25 Oka bato baali mandenga, sikyi zwa maphoo uta oka Nkolo, obokye naewole, ka naewole maumunya ma nga, moto wa Nwaphongo na

ngolu ye. Okyele mandondo ma b̄eε imεε, o maanole.

²⁶ Naumunya obokye pho ya mpasi eli lolu eye o mokyisi, eli bolaa pho ya moto obokye aikale nde boli iyo.

²⁷ Ooli na ηwanwasi, sa luka imole, ooli ndenga, yo sa longa ηwanwasi.

²⁸ Ka bo olongyi, toikiyi kyela boβε, na bo ngondo azasi bolonga, taikiyi kyela boβε. Kasi baalongyi babana: Bamoba na minyoko o ma-longa ma b̄eε mokolo na mokolo, yango mena, nazingyi obokye naebikya iminyoko mamina.

²⁹ Bande, nalukye ewole boβο: Tewakuli ikala itakye, tata unwanwa eye esengyesi obokye bampete baalonga babe ndokolo tebaika longa.

³⁰ Baalele, babe ndokolo tebaalele. Baali na nkyisa, babe ndokolo tebali na nkyisa. Baaombe mbolo, babe ndokolo tebali na mbolo.

³¹ Baakyelele mbolo ya mokyisi mumu, babe ndokolo tebaikyelele, pho maphoo ma mokyisi mumu mamolekana.

³² Nazingyi obokye b̄eε saba na nkaa. Moto ooli salonga, amiphεkyε o maphoo ma Nkolo, akyelakye obokye asepelisa Nkolo.

³³ Ka moto owalonga, kamiphε o maphoo ma mokyisi mumu, kakyele obokye asepelisa ηwanwasi we.

³⁴ Kaumunya maphoo mabale. Nde bomu me, ηwanwasi ooli sazala bolonga, naa ngondo, kamiphε o maphoo ma Nkolo, pho ali na phowa ya imiphε oka Nkolo, o maphoo maakyele yo na o maphoo maumunya yo. Kasi ηwanwasi owa zala bolonga, kamiphε o maphoo ma mokyisi

mumu, kakyele obokye asepelisa lele we.

³⁵ Nawo babona pho ya bolaa pha bée, teli pho ya iyebekyisa izengye, nazingyi obokye bée obe ndengye ekokyi, omiphe muuwosi o etoma ya Nkolo.

³⁶ Bo munzenga azimgyi ngondo monomo obokye kamolongye, sima baoka, béeke: Tebakule longana, bo phowa ya ilonga eyelesi munzenga mona, aweni obokye bo ale ngondo me, etewabongo, akokyi imolonga bozingyi yo, mena takyele isumu.

³⁷ Ka bo munzenga mona akani phele o ndondo ye obokye yo salonga, bo akokyi ititala obokye ebe nde bomo bokani yo, akyesi bolaa obokye yo salonga ngondo mona.

³⁸ Na bomo, bo munzenga azingyi ilonga ngondo ozingyi yo, akyesi bolaa. Ka yo okole ilonga akuli kyela bolaa bolekyi.

³⁹ Nwanwasi ozasi bolonga abe nde na lele we imbelele siso sili bée na bomo, ka bo lele we awee, akokyi izala bolonga na lele ozingyi yo, elaa abe moklisto.

⁴⁰ Nzuka inga naumunya bobo: Nwanwasi amoba na nkyisa koleka, bo tazasi bolonga. Naanole obokye, na nga, nali na Bolobo pha Nwaphongo.

8

Nsoti ya manyama ikyiambya bée manzambe ma bikyeko

¹ O maphoo maakyekyi nsoti ikyiambya bée oka manzambe ma bikyeko, toebe obokye banga baso toli na boebakye pha maphoo. Boebakye

mε bophe moto mawala. Kasi lozingo, lolenza aanola sa banga.

² Bo moto kaumunya obokye kaεbe lowo, naino taebi bo sengyelakyi yo iyeba.

³ Ka bo moto kazingye Nwaphongo, iyo mona Nwaphongo kamoebe.

⁴ Motuna ηwango mumu: Banga tokokyi izaa nsoti ya manyama ikyiute o mambeka maambya bεε oka manzambe ma bikyeko? Toebe na bolaa obokye nzambe ya ekyeko tali o mokyisi mumu, toebe na obokye Nwaphongo ali nde yo monomō.

⁵ Na bo mbolo ikyibangye bεε manzambe bo ili, ebe o ikolo, ebe o se, na bomō, manzambe maikye mali, na bankolo baikye bali.

⁶ Ka pho ya banga, toebe obokye Nwaphongo ali nde yo monomō, ali Ango wa banga, iyo owakyela mbolo iso, na banga tobikyephoye. Na Nkolo ali nde yo monomō, Yesu Klisto, owakye-laka mbolo iso na mwiya ηwa Nwaphongo, amba na lobikya.

⁷ Ka bato baso tebaεbe lowo la phele lalona. Baayoko baloboko mεεle na manzambe ma bikyeko, na unwanwa eye, baze nsoti ikyambya bεε oka manzambe ma bikyeko. Maumunya ma bεε mali makoo. Bamiweninya obokye babuto na sokoto pho baze nsoti mε mina.

⁸ Ntoma eteilokomya phensphe na Nwaphongo, bo toloize otolokyele ekpele, na bo toize, otolozwe na ekpele.

⁹ Boumbo bεε mana o boombo pha manzambe ma bikyeko, oεbaka obokye maphoo makyele

b̀̀e me sa nyosa bali na aanola sikuwe o maphoo mabe.

¹⁰ Na bomoo, bo moto ooli na aanola sikuwe, aeweni we moto oli na boebakye pha maphoo, ozasi koze o tempelo ya nzambe ya ekyeko, etabe ne na maumunya ya we obokye azakye ne nsoti ikyambya b̀̀e oka manzambe ma bikyeko?

¹¹ Emba pho ya boebakye pha we, wamovaka nwebi oli na ianola sikuwe mona o maphoo mabe, nzuka Klisto awa pho ye.

¹² Boebe obokye kokyelele bebi baali na ianola sikuwe boebe, mena boebe me kobokyelele nde Klisto yo mampenza.

¹³ Yango mena, bo ntoma ikyize nga ili ifaku pho ya nwebi na nga, esikule zaa nsoti me pho nga sakyela obokye nwebi akaa pho ya nga.

9

Toma ali na bosomi

¹ Inga sili somi? Nga sili toma? Nga sika wene Yesu, Nkolo wa banga? B̀̀e toli mbuma ya etoma eya kyelela nga Nkolo?

² Na bo bato baayoko tebaanole obokye nali toma, b̀̀e koebe na bola obokye nali toma. Na bomoo, bo obuto b̀̀e bato ba Nkolo phele, oli b̀̀e mampenza elembetele ekyeteya obokye nali toma.

³ Oka bato batebaanole obokye nali toma, nababuyisa bobo:

⁴ Banga tolokokakayi iza na inywaa pho ya etoma ekyekyele banga eye?

⁵ Banga tolokokakayi ikpa ngondo monomo ooli moanosi obokye abe njwasi wa banga bo

okokyele batoma bayoko, na bana nyango na Nkolo, na Petelo?

⁶ Na inga na Balanaba, tolokokakayi ile ikyela etoma?

⁷ Tuluku nza okokyele etoma kambe miphuta yo mampenza? Moto nza owaunva phika mumboto, nokyi abe sa zaa ina mbuma wakute yango? Moto nza owaunva okolo manyama, nokyi abe sa nywaa maoku ma manyama mana?

⁸ Bèè sabuya obokye nawo babona pho eli maphoo maakyele banga bato. Na mobeko nwa Mose mokule wo nde bomo me.

⁹ Na bomo, bakoma o mobeko me bobo: «Sa kanga munoko nwa ngombe bo kyeekeyelele etoma ya itokolo ble». Bèè koumunya obokye Nwaphongo awoko babona nde pho ya mangombe?

¹⁰ Nwaphongo awoko babona nde pho ya banga obokye aloteya bobo: Baakyele etoma ya Nkolo basengyesi izwa iphuti oka bato baakyelele be. Moto okobale inzabi, na moto okonoko maanza, bakyele etoma na maumunya obokye moto na moto amozwa mbano ya etoma ye.

¹¹ Banga tophika mumboto nwa Bolobo onte ya bèè, bo kophikye bèè manza. Teli bobo obokye toongye, ebe ntoma, ebe bitobu oka bèè.

¹² Bo baayoko bazwe mbolo oka bèè, ekokyi obokye banga toizwe ileka bèè babana. Ka banga toloikaka zinga ikyela maphoo mamana. Toititala obokye nono lowo lonolo lango saoto Simo Elaa ya Klisto.

13 Bo koebe na bolaa obokye baakyele etoma o Tempelo bazwe ntoma ya bée nde wamɔ wawana. Na baamba mambeka oka Nwaphongo, bazwe na bée ntoma nde o mambeka maamba bée mamana.

14 Nde bomɔ mɛ, Nkolo aambya ndingyisa obokye bato baanole Simo Elaa, basungye na bée bato baaimole Simo mɛ.

15 Ka siika eonga nɔnɔ ekpele; bo nakomi maphɔɔ mamana, teli obokye uɲwanɲwa eye namotata onga. Na bomɔ, namozinga obokye nawe na nzala, na obokye bambɔlɔlɔ lowɔ la kaa looli na nga lolo.

16 Sili na lowɔ la imikumisa obokye naimole Simo Elaa; eli etoma eya mɛ Nkolo obokye naekyele. Bo siimosi Simo Elaa, eli ngɔngɔ ya nga!

17 Bo ebakyi obokye naɔlɔkɔ etoma eye nga mampenza, nde naziyakyi obokye nazwe iphuti. Ka oli yango nde etoma eya mɛ Nkolo obokye naekyele; yango mena namiphɛ obokye etoma mɛ eunve na bolaa.

18 Ka iphuti sa nga embi ba iye? Ebakyi obokye nazwe baphalanga phɔ nali moimosi wa Simo Elaa. Sikyi kyela bomɔ; iphuti sa nga, eli nkyisa, iili na nga, phɔ ya imola Simo Elaa pha, sa zwa nɔnɔ ekpele oka moto.

19 Nali sɔmi; sili moombo ɲwa moto. Kasi namiphɛ ndokolo moombo ɲwa bato basɔ, obokye nazwe bato baikye phɔ ya Klisto.

20 Bo nali onte ya Bayuda, naamibuya ndokolo Moyuda obokye nabazwe phɔ ya Klisto. Na bo nga mampenza sikumole mibeko ma Mose, bo

nali onte ya baamikumole, naamibuya ndokolo bε, obokye nabazwe pho ya Klisto.

²¹ Nde bomo me, bo nali onte ya bato baatebaebe mibeko ma Mose, naamibuya ndokolo bε, obokye nabazwe pho ya Klisto. Mena telukye iwō obokye sikumole mibeko ma Nwaphongo; pho inga nali o se ya mibeko ma Klisto.

²² Bo nali onte ya baali na ianola sikuwe, naamibuya na nga ndokolo moto wa ianola sikuwe obokye nabazwe pho ya Klisto. Nakyele babona oka bato baso obokye na manzela maso, nabikya nono bayoko.

²³ Nakyele maphoo maso maamana pho ya Simo Elaa obokye nazwe iyalo silaa oka Nwaphongo.

²⁴ Bεε koebe na bolaa obokye bo bato bamekane ikyilingana, bakyilingane bεε baso, ka kyezwe mbano nde moto monomo. Na bomo, bεε, kyilingana na bolaa obokye ozwe mbano.

²⁵ Bato baso baamiphe o iyekola ikyilingana, bamikyisa na maphoo maikye. Bakyele babona obokye bazwe ekpele eyamoba sa koko; ka banga tokyele babona obokye tozwe ekpele eyamokoko bobele.

²⁶ Yango mena, bo nakyilingane, miyo ma nga maso mabe nde o ekpele ekyebengye nga; nali ndokolo moto okonwane ebasi, inkutu sa nga tesikokyi ikaa i mbale.

²⁷ Naweninyaa nzoto ya nga mpasi, naifanza na bolaa obokye Nwaphongo yo sa nde; ona nga okokye miteya baayoko.

10

Sakumola manzambe ma bikyeko

¹ Bande, nazingyi obokye bée o umunya lowo laakyelamaka oka bankoko ba banga wabaka bée batambule na Mose elele yonoyo. Nwaphongo atomaka ipata sonoso obokye sibabanza, bée baso. Ababanzaka na wakatisaka bée maa manene ma mangola.

² Wabaka bée onte ya ipata, na wakatisaka bée maa manene ma mangola; yabaka ndokolo bée baso babatisami onte ya Mose.

³ Bée baso bazaka ntoma elele yonoyo, eli ntoma yautaka o ikolo.

⁴ Bée baso banywaka maa ma Bolobo elele yonoyo; banywaka maa ma ifanga sa Bolobo saabaka sibabengye. Ifanga me yabaka Klisto.

⁵ Ka maphoo maabaka baikye bakyele onte ya bée temabaka maphoo maphe Nwaphongo nkyisa. Yango mena bawa o bokye.

⁶ Maphoo mamana mali ndakyisa pho ya banga, obokye banga saba na maumunya mabe, bo maabaka na be.

⁷ Bée sa nyanga na obokye omiphe o ikumola manzambe ma bikyeko, bo wakyelaka bayoko onte ya bée. Eli bo wakoma bée o buku pha Nwaphongo bobo: «Bato bazasi obokye baze, banywe; sima batemi, babine obokye bakumole manzambe ma bikyeko».

⁸ Banga sa miphekye o mobulu nwa babasi na bampele bo wakyelaka baayoko onte ya bée. Pho ya lowo me lalona, Nwaphongo abomaka

bato nkoto mako mafale mbuka iyato na mokolo monomō.

⁹ Tolokokyi imeka ndondo ya Nkolo, bo wakyelaka baayoko onte ya b̄εε. Manzoo mafatwaka, mafabomaka.

¹⁰ B̄εε samiimaka bo wakyelaka baayoko onte ya b̄εε, anzelu owa iwaa ababomaka.

¹¹ Maphoo mamana mafayelelaka pho ya iphe ndakyisa oka baayoko. Bamakoma obokye balokyebisa pho imbele sili banga sisi, suka ya mokyisi ebuto phenephe.

¹² Na bomō, moto okoumunya obokye atemi na bolaa, nde kakyebe obokye yo sakaa.

¹³ Bimekyi biso biazwaka b̄εε eli nde bimekyi biizwe bato baso. Nwaphongo ookokokya yaalaka yo, etaale obokye omekame koleka bokusi pha bε. Imbele saamoya bimekyi, Nwaphongo amoephe malondo ma iititala mi bεε, na nzela ya itokolo o bimekyi mε.

¹⁴ Bande na nga, yango mena lota manzambe ma bikyeko.

¹⁵ Naewole ndokolo bato bali na malondo. B̄εε mampenza oumunya maphoo mawo nga mamana.

¹⁶ Tophe Nwaphongo m̄lesi pho ya kopho ya mapambosi. Waaenywe banga, mena teeli obokye toangane na malongo ma Klisto? Nde bomō, waaze banga ipa siitenane banga, mena teeli obokye toangane na nzoto ya Klisto?

¹⁷ Ipa sili nde sonoso. Na bo toli bato baikye, tobuto nde nzoto yonyo, pho toanga baso obokye toze ipa sonoso sasina.

¹⁸ Kyeka bana ba Isalayele. Baaze manyama

mambeka b̄e o etumbelo, baangane na Nwaphongo ookobonzele b̄e.

¹⁹ Mena naewole obokye manyama, maambya b̄e mambeka oka manzambe ma bikyeko, temali nana kaa yonoyō. Ebe manzambe me ma bikyeko temali na ná kaa yonoyō.

²⁰ Mambeka maambya bato baatebaebe Nwaphongo, bamaambya oka bikyeko; tebamaambya oka Nwaphongo. Na b̄e, bazwe maphō maso maabalakyelaka bikyeko. Ka nga sikyi zinga obokye b̄e okyele bomō.

²¹ B̄e, tokokyi inywa mbala yonoyō o kophō ya Nkolo, na o kophō ya bibekye; tokokyi izaa mbala yonoyō o mesa ma Nkolo na o mesa ma bibekye.

²² Banga sa luka obokye tobangye yō ya Nwaphongo. B̄e saumunya obokye tomolekye na bokusi.

Tokyelakye maphō maso pho ya ikumola Nwaphongo

²³ Baayoko bawo, b̄ekye: Tokokyi ikyela maphō maso maazingyi banga. Eli bomō phele. Kasi maphō maso temali malaa pho ya banga. Tosengyesi ikyela maphō maso maazingyi banga, kasi maphō maso temaakosa ianola sa bato.

²⁴ Moto na moto yo sa luka bolaa phe mampenza, alukye bolaa pha b̄ebi.

²⁵ B̄e okokyi izaa manyama maso maungya b̄ o zando; b̄e sa mituna obokye oebe ntina ya mango,

²⁶ pho bakoma o buku pha Nwaphongo bobo: Mokyisi na iso iili omɔ, ili ya Nkolo.

²⁷ Bo moto otoebe Nwaphongo aebangyi obokye okye zaa oka ye, bo oanosi ikyende, okokyi izaa ntoma iso yamoephe be; sa mituna obokye oebe ntina ya ntoma me.

²⁸ Ka bo moto awɔ na baε obokye: Nyama mena euti o mambeka maambya bεε oka manzambe ma bikyeko, bεε sa ezaa, pho moto me aeyebuse, oebi ntina me.

²⁹ Nawɔ bobo pho ya maumunya ma bayoko; siwɔ pho ya maumunya ma bεε. Moto mosuu akokyi ituna, yokye: Pho ya'ye maumunya ma nwebi makokyi inkatela obokye nga sa kyela maphɔɔ maazingyi nga?

³⁰ Bo naphε Nwaphongo melesi pho ya ntoma iizingyi nga izaa, pho ya'ye bantole na yango, pho na nga phe Nwaphongo melesi?

³¹ Na bomɔɔ, na bo koze, na bo konywe, na bo kokyele ebe na lowɔ iye, kyela maphɔɔ masɔ pho ya ikumola Nwaphongo.

³² Bεε kyela obokye mobesi njwa bεε nwango sa ba ibaku, ebe pho ya Bayuda, ebe pho ya bato baatebali Bayuda, ebe pho ya ingomba sa Nwaphongo.

³³ Bεε kyela ndokolo nga; nakyele bokusi obokye nasepelisa bato basɔ o maphɔɔ masɔ; siilukye bolaa pha nga mpenza. Kasi nalukye bolaa pha bato basɔ obokye babikye.

11

¹ Bεε benga ndakyisa ya nga, bo kobengye nga ndakyisa ya Klisto.

Mobesi nwa nwanwasi imbele sibondede yo

² Naekumole pho b̄e konzumunya o mapho maso na pho otaa ba ibanza mateya maephkye nga.

³ Emba nazingye obokye b̄e oebe bobo: Klisto ali mokonzi nwa lele munsō; lele ali mokonzi nwa nwanwasi we. Nwaphongo ali mokonzi nwa Klisto.

⁴ Waangane b̄e o losambo, bo lele kabondede, naa kaimole mapho maauti na Nwaphongo, bo azibi moto nwe na etobu, mena kaphe Mokonzi nwe so.

⁵ Ka bo nwanwasi kabondede, naa kaimole mapho maauti na Nwaphongo, waangane b̄e o losambo, bo tazibi moto nwe na etobu, mena kaphe lele we so; ali ndokolo nwanwasi oangyi b̄e suwe.

⁶ Bo nwanwasi tazibi moto nwe na etobu, akokyi na imianga suwe me. Nzuka ooli yango so pho ya nwanwasi obokye angye suwe na aikolole, asengyesi imiziba etobu o moto.

⁷ Lele tasengyesi na imiziba moto, pho Nwaphongo amokyela bo oli yo Nwaphongo. Kateya na nkyemo ya Nwaphongo. Ka nwanwasi, kateya nkyemo ya lele.

⁸ Na bomo, Nwaphongo taika kpa ekpele o nzoto ya nwanwasi obokye aekyele na lele; kasi akpa nde ekpele o nzoto ya lele, aekyela na nwanwasi.

⁹ Nwaphongo taika kyela lele pho ya nwanwasi, kasi akyela nde nwanwasi pho ya lele.

¹⁰ Yango mena, nwanwasi asengyesi iziba

moto nwe na etobu pho ya iteya o miyo ma bato na o miyo ma baanze obokye ali o se ya bokonzi pha lele we.

¹¹ Emba o bomo pha banga o nte ya Nkolo, nwanwasi kazwe bokusi nde na lele we; lele kazwe bokusi nde na nwanwasi we.

¹² Pho nde bo owakyela Nwaphongo nwanwasi utama na lele, nde bomo me nwanwasi kabote lele, emba bee baso baute na Nwaphongo.

¹³ Bee mampenza, tena bolombe pha lowo lolo. Eli bolaa obokye nwanwasi abondele Nwaphongo sa miziba etobu o moto?

¹⁴ Ndengye eyalokyela Nwaphongo, mofesi nwa banga bato moloteya obokye bo lele ali na suwe nsanda eli soo pho ye.

¹⁵ Ka eli ngambo pho ya nwanwasi, bo abe na suwe nsanda. Na bomo, Nwaphongo amophe suwe nsanda obokye izibe moto nwe.

¹⁶ Bo moto ali na phowa ya ikula wo lowo lolo, aebe na bokuwe bobo: Ebe mangomba ma Nwaphongo, ebe banga mampenza, tololi na mobeko mosuu o elele ya lowo lalona.

Elambo ya Nkolo

¹⁷ Naeyimole phanza bobo: Lowo la bee lootelozye nga lango lolo: Waangane bee elele yonyo, aangana sa bee tesili obokye siebongya, ka sieto boti.

¹⁸ Phanza banzimosi obokye waangaane bee, bato na bato babe na ya bee ewole; nambe kuta naanola obokye eli phele.

19 Esengyesi obokye ikabana sibe o nte ya b̄e, pho toebe o nte ya b̄e baali phele.

20 Waangane b̄e elele yonoyon pho ya iza, teli obokye b̄e koze elambo ya Nkolo.

21 Na bom, wazale b̄e o mesa pho ya iza, moto na moto kawelane iza ntoma ye mampenza na ndengye yonoyon obokye bana bali na nzala, bibi bayoko balangyi.

22 Mangambi ma b̄e temali obokye okye zaa naa okye nywa om? Ka naa kolukye obokye otiyole ingomba sa Nwaphongo na obokye o phe baatebali na ntoma so? B̄e kizingye obokye naewole bo? Obokye naesambe? Pha! Nga sikoky esamba pho ya mapho mamana.

23 Kyeka, mapho maazwa nga oka Nkolo, maeimola nga, mango mama: Nkolo Yesu, na muna mokolo me nwa moambyaka Yuda, aesi ya kpa ipa,

24 waumva yo iphe Nwaphongo melesi pho ya sango aesi ya sikyese, a phe baekosi be, yokye: B̄e kpa, oze, eye eli nzoto ya nga. Naikabi pho ya b̄e. Okyelakye babona pho ya inzumunyaka.

25 Nde bom, o sima ya iza, akuli ya kpa kopho, yokye: Kopho eye eli sangola enyakune, ekyesi b̄e na Nwaphongo o nte ya malongo ma nga. Imbele siso saamobaka b̄e koenywe, okyelakye babona pho ya inzumunyaka.

26 Na bom, imbele siso saamobaka b̄e koze ipa saasina, kombe na konywa kopho mena, mena koimole simo ya iwaa sa Nkolo nono waamoya yo.

27 Yango mena, moto okooze ipa sa Nkolo,

naa ookonywe kopho ye na ndengye etelongoba, moto mona kamikyete, pho aweni nzoto ya Nkolo na malongo me nde pha.

²⁸ Esengyesi obokye moto na moto amikyekye o ndondo ye, o boo pha izaa ipa saasina, na inywaa kopho mena.

²⁹ Bo moto kaze ipa saasina, naa kanywe kopho mena, bo tasososi obokye eli nzoto ya Nkolo, mena kamibangyele bofe o nzoto ye mampenza.

³⁰ Yango mena, kowene bato baikye o nte ya bεε, bana bali na malosi na bileme, bayoko baikye bawa.

³¹ Bo totate imikyeka banga mampenza phanza o mandondo ma banga o boo pha izaa elambo ya Nkolo, etelomilukyele lowo o boo pha Nwaphongo.

³² Nkolo kalosambisa, kalophe bitumbu unwanwa eye pho ya obokye yo sa lonyete elele yonyo na bato ba mokyisi.

³³ Bande, waangane bεε pho ya izaa elambo ya Nkolo, oziyanakye o nte ya bεε.

³⁴ Bo moto ali na nzala, aikye zaa o ingambi se, obokye iangana sa bεε sango sa ba pho ya imilukyela lowo o boo pha Nwaphongo. Maphoo mayoko maikasi, naamabongya wamoya nga oka bεε.

12

Makabo maambya Bolobo

¹ Bande, pho ya maphoo maakyekyi makabo maambya Bolobo, nazingyi obokye b̄e omaebe na bolaa.

² B̄e koebe obokye watakaba b̄e bapakano, wabaka kokye mibenga manzambe ma bikyeko mali mambubu.

³ Yango mena, nawo na b̄e bobo: Moto okowo maphoo na nzela ya Bolobo pha Nwaphongo, etatole Yesu. Moto takoyi iwo obokye Yesu ali Nkolo bo Bolobo tamokambi.

⁴ Makabo maambya Bolobo mali ndengye na ndengye. Ka Bolobo ali nde yo monomo.

⁵ Maalo maalophe Nwaphongo pho ya imokyelela mali ndengye na ndengye. Kasi tokyelele nde Nkolo monomo.

⁶ Bitoma bili ndengye na ndengye. Kasi Nwaphongo nde yo monomo okobikyele biso oka bato baso.

⁷ Bolobo kawenene oka moto na moto na ikabo sonoso pho ya bolaa pha bato baso.

⁸ Na bomo, Bolobo yo monomo kaph̄e ona moto boebakye pha iwo maphoo; kaph̄e oyoko zebi sa iwo maphoo.

⁹ Bolobo me nde yo monomo kaph̄e ona moto ianola, kaph̄e oyoko mwiya nwa ibikya bato ba malosi.

¹⁰ Bolobo kaph̄e ona mwiya nwa ikyela bilekyesako, oka oomuyoko ikabo sa imola maphoo maaute na Nwaphongo, oka oomosuu ikabo sa ikyesinya bolobo bofe na nwa phele. Oka ona ikabo sa iwo noko insuu, oka oyoko ikabo sa ilimbola noko me mina.

¹¹ Eli Bolobo nde yo monomo okokyele maphoo maso mamana. Kaph̄e moto na moto ikabo bo

zingyi yo.

Nzoto yɔnɔyɔ ili na binango biikye

¹² Na bomɔ, Klisto ali ndokolo nzoto yɔnɔyɔ, ili na binango biikye. Na bo binango bili biikye, bili nde nzoto yɔnɔyɔ.

¹³ Emba banga basɔ, Bayuda na baate bali Bayuda, baombo na masomi, Nwaphongo alobatisa na Bolɔbɔ bɔnɔmɔ. Tobuto nzoto yɔnɔyɔ, Nwaphongo alotonza na Bolɔbɔ bɔnɔbɔ.

¹⁴ Nzoto tili na enango yɔnɔyɔ, kasi na binango biikye.

¹⁵ Bo ekolo ewɔ obokye: «Nga sili ebɔkɔ, na bomɔ sili enango ya nzoto», etemane enango ya nzoto phɔ ewɔ babona.

¹⁶ Bo itoo siwɔ obokye: «Nga sili ziyo; na bomɔ, sili enango ya nzoto», etesiimane enango ya nzoto phɔ siwɔ babona.

¹⁷ Bo nzoto iso yabaka nde ziyo, nde kyiokye ndengye'ye? Bo yabaka nde itoo, nde kyiokye solo ndengye'ye?

¹⁸ O phɛɛ Nwaphongo akyela enango na enango o nzoto bo wazinga yo.

¹⁹ Bo basɔ babaka nde enango yɔnɔyɔ, nzoto nde teili.

²⁰ Na bomɔ, binango bili biikye, nzoto ili nde yɔnɔyɔ.

²¹ Ziyo tesikokyi iwɔ na ebɔkɔ obokye: «Nga sisengyesi na wɛ! Na moto temokokyi iwɔ na makolo obokye nga sisengyesi na bɛɛ!»

²² Binango bisɔ bili o nzoto ya moto; enango na enango eli na ntina ya yango.

²³ Binango biikyiky biiwene banga obokye tebili na ntina, eli be biikyele banga inzenga koleka biyoko; na biyoko biiwene banga obokye bili binango ba so, tobiphe kaa koleka biyoko.

²⁴ Kasi binango biwene banga obokye bili bilaa o nzoto, toloomiphe ibibongya. Nwaphongo akyela nzoto babona obokye tophe kaa o binango biitebili na kaa.

²⁵ Yango mena, binango ba nzoto bango sa kabana, bee biso bisunganakye.

²⁶ Bo enango yonyo ya nzoto eli na bolosi, binango biyoko biso biwene bolosi elele yonyo na enango me. Mena, bo enango yonyo ezwe kaa, binango biyoko biso bikumbe na nkyisa elele yonyo na enango me mena.

²⁷ Bee baso oli nzoto ya Klisto, monomo na monomo na bee ali enango ya nzoto me.

²⁸ O ingomba, Nwaphongo akyela batoma oetemi eya o boo, baimosi o etemi eya ibale, bateye o etemi eya iyato; sima baali na ikabo sa ikyela bilekyesako, baali na ikabo sa ibikya bato ba malosi, baasungye bato, bayoko baangyele bebi, bayoko baali na ikabo sa iwo noko insuu.

²⁹ Baso tebali batoma naa baimosi, naa bateye. Baso tebali na ikabo sa ikyela bilekyesako;

³⁰ naa sa ibikya bato ba malosi naa iwo noko insuu, naa sa ilimbola noko me mina.

³¹ Baka na phowa ya makabo maa ntina. Kasi unwanwa eye namoeteya nzela eelekyi manzela maso na bolaa.

Lozingo

¹ Na bo naebi iwɔ nɔkɔ ya bato basuu na yaaka baanzelu, kasi bo sizingyi bebi, nali nde ebende ekyelele ngbe ngbe, na mbonda ekyekelele tokɔ.

² Na bo nazwe ikaɔo saiimola Simo ya Nwaphongo, ebe na boebakye bosɔ, naa iyeba maphɔɔ masɔ mali miibombo, na bo nali na ianole siikye, nabuto imanya mangomba o elele ebakyi mango, ka bo sizingye bebi, nali nde moto pha.

³ Na bo nakabesi babola mbolo ya nga iso, ebe naa naambye nzoto ya nga obokye izikye, ka bo sizingye bebi, esizwe imɔ ekpele.

⁴ Lozingo ali na motema moanda, lozingo kakyele bolaa, taamengyele, taamitate, taamiulole na mawala;

⁵ taakyele maphɔɔ ma sɔɔ, taalukye nde bolaa phe mampanza, taaokye yɔɔ, taakyele malanga;

⁶ taasepele na mbelekye, kasi kasepele na maphɔɔ maa phele.

⁷ Kalimbisa maphɔɔ masɔ, kaanole maphɔɔ masɔ, kalemele mi maphɔɔ masɔ, kakuya maphɔɔ masɔ.

⁸ Lozingo taawe. Mokɔlɔ mɔnɔmɔ maphɔɔ maimole Bolɔbɔ mamounva, na ikaɔo sa iwɔ nɔkɔ insuu sa mounva, na boebakye phamounva.

⁹ Pho, boebakye pha banga boli bokyiya, maphɔɔ maimole banga na nkombo ya Nwaphongo mali nde bitee.

¹⁰ Kasi wamoya maphɔɔ maabɔngɔ, maphɔɔ maa bitee bitee mamounva.

¹¹ Wabaka nga nweengye, nawoko ndokolo nweengye, naumunyaka ndokolo nweengye, namitunaka i maphoo ndokolo nweengye. Kasi oobuto nga phomba, nale maphoo ma bonwengye.

¹² Lolo eye, ikyi wene banga ili ndokolo elalaa ekye wene o talatala; kasi mokolo monomo moli, tomoiwene iso na miyo. Lolo eye naebe nde nwana eko; kasi mokolo monomo namoeba Nwaphongo bokonzebe yo.

¹³ Emba unwanwa eye, maphoo maato mama maikasi: Ianola, molemo na lozingo; kasi lowoo loolekyi maso onte me maato, eli lozingo.

14

Mateya masuu pho ya makabo ma Bolobo

¹ Bèe luka obokye ozingakye bebi na bèe. Baka na ná phowa ya makabo ma Bolobo, na koleka makabo ma imola maphoo maaute na Nwaphongo.

² Moto ookowo noko insuu, tawo na bato; mena kawole Nwaphongo, pho moto monomo taebe maphoo maawo yo. Kawo maphoo maabomba Nwaphongo na mwiya nwa Bolobo.

³ Ka moto okoimole maphoo maaute na Nwaphongo, mena kawole bato obokye abakuya o ianola, abalenza, amanya ngongo eeli na be.

⁴ Moto okowo noko isuu, mena kakuya aanola se mampenza, kasi yo okoimole maphoo maaute na Nwaphongo, mena kakuya aanola sa ingomba siso.

⁵ Phowa ya nga eli obokye bèe baso owo noko insuu; nambi kula ba na phowa koleka obokye

bèè oimole maphoo maaute na Nwaphongo. Moto okoimole maphoo maaute na Nwaphongo ali na ntina koleka ookowo noko insuu; elaa nde bo okowo noko insuu mona, azwe moto wa ilimbola maphoo maawo yo mamana pho ya ikuya ingomba siso o aanola.

⁶ Bande, wamoya nga oka bèè, bo nakye naewole na noko insuu, maphoo me mamoesunga ndengye'ye? Ekokyi obokye naeimole maphoo maanteya Nwaphongo, naa maphoo ma boebakye, naa maphoo maaute na Nwaphongo, naa naeteya maphoo ma Nwaphongo.

⁷ Tokpe ndakyisa ya mbolo ikyitube na be, boli iphengo, naa gidale bo nyesi ya yango teikyese phe, tomoeba na ye obokye eye bawande iphengo naa gidale?

⁸ Bo mowandi wa kyelelo taewandi na bolaa, tuluku aamibongya pho ya ebasi ndengye'ye?

⁹ Nde bomo pho ya bèè; bo maphoo maawo bèè na noko insuu temaoka na bolaa, bato bamaeba ndengye'ye? Mena bèè kowo nde ya eweèle.

¹⁰ Noko ili o mokyisi nzikye, kasi munoko na munoko moli na ntina ya nwango.

¹¹ Bo nga siebi munoko munvole be, yo okowo munoko mamuna amoba ndokolo mobutu pho ya nga, na nga namoba ndokolo mobutu pho ye.

¹² Nde bomo, boli bèè na phowa ya makabo ma Bolobo, le obokye olukye na boikye makabo maakosa aanola sa ingomba.

¹³ Yango mena, yo okowo noko insuu, esenyesi obokye aongye na Nwaphongo, amophe ikabo sa ilimbola noko me oka bato.

14 Bo naɓɓɓɓɓɓɓɓ na nɔko insuu, molimo ɗwa nga moɓɓɓɓɓɓɓ, kasi maumunya ma nga temakyele na ekpele.

15 Nakyele ɓo? Namoɓɓɓɓɓɓɓ o molimo ɗwa nga na o maumunya me; namotuɓa o molimo ɗwa nga na o maumunya me.

16 Na ɓomɔ, ɓo kophe Nwaphongo melesi nde o molimo; moto mosuu oozasi o iangana ɓozasi, amooka ndengye ye obokye aanole Ame o ibɓɓɓɓɓɓɓ sa we, ɓo taɓeɓe naa kowɔ maphɔɔ iye?

17 Na ɓo obɓɓɓɓɓɓɓ Nwaphongo na ɓolaa, ibɓɓɓɓɓɓɓ sa we etesikuya mosuu o aanola se.

18 Naphe Nwaphongo melesi phɔ naelekye ɓɛɛ ɓaso na iwɔ nɔko insuu.

19 Kasi waangane ɓato ɓa ingomba, nazingye obokye nawɔ maphɔɔ matano obokye nateya ɓato na obokye nawɔ maphɔɔ nkoto na nkoto na nɔko insuu iiteyokye ɓato.

20 Bande, ɓɛɛ sa ɓa na maumunya ndokolo ɓana ɓakye; ɓa ɓana ɓakye o maphɔɔ mabe, phɔ ɗwana taɓeɓe obokye maphɔɔ maakyele yo mali mabe; kasi ɓɛɛ ɓa ɓaphomba o maumunya ma ɓɛɛ.

21 Bakoma o buku pha Nwaphongo ɓoɓo: «Nkolo yokye: Namotoma ɓabutu phɔ ya iwɔle ibota sa nga na nɔko ya ɓɛɛ ɓabutu. Na ɓo ɓaɓona eteɓabenele inzoka.»

22 Na ɓomɔ, ikaɓo sa iwɔ nɔko insuu eli elembetele phɔ ya ɓaateɓali ɓaanosi. Kasi phɔ ya ɓaanosi phe. Emba ikaɓo sa imola maphɔɔ maaute na Nwaphongo eli elembetele phɔ ya ɓaanosi. Kasi phɔ ya ɓaateɓali ɓaanosi phe.

²³ Bo bato baatebali baanosi naa bato basuu baesi ya ezwa b̄ēe baso oanga o losambo kowo noko insuu, bamobuya nde phele obokye b̄ēe oli bayeyee.

²⁴ Kasi bo b̄ēe baso koimole maphoo maaute na Nwaphongo, moto otoebe Nwaphongo naa moto mosuu, bo anyosi o aangana sa b̄ēe, amooka maphoo maateya b̄ēe, amoeba obokye ali moto okokyele maphoo mabe. Nwaphongo amotenela bolombe na maphoo maso maaokye yo.

²⁵ Maumunya maabombama o ndondo ye mamowenene o pha. Emba amiinya boo o se, amokumola Nwaphongo; amowo yokye: «Nwaphongo ali phele o nte ya b̄ēe!»

Molongo o ingambi sa Nwaphongo

²⁶ Bande, nawo na b̄ēe bobo: Waangane b̄ēe pho ya ibondele Nwaphongo, moto na moto abe na etoma ye; motubi abe, moteye abe, moto okoimole maphoo maateya Nwaphongo abe, okoimole maphoo na noko insuu abe, okolimbole maphoo me abe; maphoo maso mamana masengyesi obokye makuya bato ba ingomba o ianola sa b̄ēe.

²⁷ Bo bato bawo noko insuu, ewoo nde bato babale naa baato bobele; bawoo monomo na monomo, emba moto monomo alimbole maphoo maawo b̄ēe.

²⁸ Bo moto wailimbola maphoo mamana tafe, esengyesi obokye monomo na monomo na b̄ēe, ale iwo na bokusi o nte ya bato baanga: Awo nde yo mpenza na ná Nwaphongo.

29 Oka bato baaimole maphoo maaute na Nwaphongo, ewo bato babale naa baato; bayoko baokye naa maphoo me maaute na Nwaphongo phele.

30 Ka bo Nwaphongo ateye moto monomo o nte ya ingomba maphoo ma sekyele, esengyesi obokye obakyi kawo phanza mona aikale bose.

31 Bèe baso monomo na monomo, okokyi imola maphoo maaute na Nwaphongo, obokye bato baso bazwe boebakye, bamilenza.

32 Baimole maphoo me mamana, esengyesi obokye baikale iba na bokonzi o ikolo sa ikabo saazwa be;

33 pho Nwaphongo tali Nwaphongo wa mobulu; ali Nwaphongo okozingye bose.

Ndokolo o mangomba maso ma Nwaphongo.

34 Esengyesi obokye babasi, bèe sa kyela toko, waangane bato ba ingomba pho ya ibondele Nwaphongo. Tebaika baphe nzela obokye bawoko. Esengyesi obokye bamiuyakye bokowo mobeko nwa Nwaphongo.

35 Bo bali na phowa ya ituna maphoo batune bampele ba bèe o mangambi. Teli bolaa obokye nwanwasi awo, waangane bato ba ingomba pho ya ibondele Nwaphongo.

36 Bèe kounya obokye maloba ma Nwaphongo mauta oka bèe? Naa kounya obokye makoma suka nde oka bèe?

37 Bo moto kaumunya obokye ali moto okoimole maphoo maute na Nwaphongo, naa kaumunya obokye azwe ikabo sa Bolobo, asengyesi eba obokye maphoo maakome nga mama

eli maphoo maantome Nkolo.

³⁸ Kasi bo taebe babona, b̄e saanola maphoo maawo yo.

³⁹ Bande, na bomoo, phowa ya b̄e ebe ya iimola maphoo maaute na Nwaphongo. Sa katela baali na ikabo sa iwo noko insuu.

⁴⁰ Le obokye maphoo mamana maso makye-lame na bolaa na ná molongo.

15

Ikundwa sa Klisto

¹ Bande, uɲwanɲwa eye nali na phowa ya eimola Simo Elaa eya eimolaka nga, eya anolaka b̄e, eta ba na b̄e ianola noko lolo eye.

² Bo bikyi b̄e pho ya yango, bo banze maphoo me, bo waeyimolaka nga; bo tebe bomoo phe, aanola sa b̄e sili nde pha.

³ Naeyimole simo eyazwaka nga, ekyelekye maphoo maso obokye Klisto awa pho ya bobee pha banga, bo koimole buku pha Nwaphongo.

⁴ Bamokundaka, akundwa mokolo nwa iyato, bo koimole buku pha Nwaphongo.

⁵ Atokolele Petelo; sima awenene na batoma iko mbuka babale.

⁶ Bobele, aesi ya kye wenene na baekosi b̄e koleka mikama mitano na mbala yonyo. Baikye na b̄e bataa ba na bomoo, kasi bayoko bawa.

⁷ Sima akye wenene na Zake, na ná batoma baso.

⁸ O sima ya b̄e baso, aesi ya wenene na nga. Bibi nga nali ndokolo nwanana owa ukwa bouko.

⁹ Inga nali o suka ya batoma baso. O solongo, inga tebakoyi imbanga toma, pho nga moto owa nyokoloko ingomba sa Nwaphongo.

¹⁰ Na ngolu ya Nwaphongo nali boli nga lolo eye; ngolu me taikaka empe pha, nakyelaka etoma koleka b̄e baso; na bo teyabaka nga mampenza, kasi ngolu ya Nwaphongo yabaka na nga elele yonoyo.

¹¹ Na bomo, ebe nga, ebe b̄e, banga baso toteya Simo Elaa ya Yesu Klisto eyaanola b̄e.

Ikundwa sa banga

¹² Banga bototeya obokye Klisto akundwa o nte ya bawe, ndengye'ye bana o nte ya b̄e bawo obokye bawe etebakundwe?

¹³ Bo bawe etebakundwe, kyelukye iwo obokye Klisto taika kundwa.

¹⁴ Ka bo Klisto taika kundwa o nte ya bawe, iteya sa banga sili nde pha, na aanola sa b̄e sili nde pha me.

¹⁵ Yamoba obokye, naa banga, towo maphoo ma bole pho ya Nwaphongo, obokye akundola Klisto o nte ya bawe. Nzuka taika kyela bomo, bo eli phele obokye bawe etebakundwe.

¹⁶ Bo bawe etebakundwe Klisto ne taika kundwa o nte ya bawe

¹⁷ Emba bo Klisto taika kundwa o nte ya bawe, aanola sa b̄e sili nde pha; otaa ba nde o maphoo ma b̄e mabe.

¹⁸ Kyelukye iwo obokye na baanosu baso baawa bakye nde babona.

19 Bo tolemele oka Klisto nde pho ya bomoo booli na banga bobo, toli bato ba ngongoo koleka bato basoo.

20 Kasi eli phela, Klisto akundwa o nte ya bawe; ali moto owa o boo otati ikundwa o nte ya bawe. Wateya obokye baawa, na be, bamokundwa me.

21 Nde bomoo, bo wauta iwa na moto monomoo, nde bomoo me ikundwa sa bawe siesi na moto monomoo me.

22 Bookowe bato basoo na nzela ya Adama, nde bomoo me na nzela ya Klisto, bato basoo baanole bamokundwa.

23 Ka moto na moto amokundwa na imbele se; Klisto ali moto owa o boo owakundwa o nte ya bawe. O sima ye yamoba baanosii be; imbele sa moya yo.

24 O sima ya maphoo masoo, tomba ya koma o suka ya mokyisi. Klisto amootoo kaa ya bokonzi pha bakonzi basoo, na mwiya nwa maloboo masoo, emba amba buya bokonzi bosoo oka ango Nwaphongo.

25 Esengyesi obokye Klisto afe mokonzi nonoo wamunyete Nwaphongo bailanga ne basoo, na wabakyela yo o se ya makolo me.

26 Munguna nwa suka nwaa moboma Nwaphongo, eli iwa.

27 Na bomoo, bakoma o buku pha Nwaphongo boboo: Nwaphongo akyela maphoo masoo o se ya makolo ma Klisto. Kasi o iloba sisi maphoo masoo, ma wenene na bolaa obokye eli Nwaphongo owakyela maphoo masoo o se ya makolo ma Klisto, manya nde yo.

28 Wamunva Nwaphongo ikyela maphoo masoo o se ya makolo ma Klisto, emba yo mampenza

Klisto amiuya o se ya Nwaphongo owa mophe bokonzi pha maphoo maso obokye Nwaphongo abe mokonzi o ikolo sa maphoo maso na bolaa.

²⁹ Bèe kula umunya lowo la bato babatisame o elele ya bawe; baumunya obokye bamozwa iye? Bo eli phele obokye bawe etebakundwe, pho ya'ye babatisame o elele ya be?

³⁰ Na Banga, pho ya'ye tomiphe imbele siso obokye towe?

³¹ Bande, nkolo iso nalembè nde na iwa. Naeyimosi lowo me obokye namikumole pho ya bèe bali elele yonyo na Yesu Klisto, Nkolo wa banga.

³² Bo yabaka na ndengye ya bomoto obokye nanwanaka na manyama ma ngonda wawa o Efese, nazwe iye? Bo bawe tebakundo, toze, tonywe, pho yana tomowa!

³³ Bèe sa mikosa na maphoo mamana: Itambula na bebi babe baoto maphoo malaa maali o nte ya nwebi na be.

³⁴ Bèe ba na maumunya maalongoba; bèe sa kulaka kyela bofe, pho bana o nte ya bèe tebaebe Nwaphongo. Nawo babona pho naephe bèe soo.

Nzoto ya bato baakundo

³⁵ Ka moto monomo amotuna, yokye: Bawe bakundwe ndengye'ye? Bamokundwa na nzoto ya ndengye'ye?

³⁶ Ebubusi! Waphikye we mumboto o manyete, mumboto mamuna temokokyi itokolo, bo temowe.

³⁷ Ekye phikye we o manyete eli nde mumboto pha. Imbele sisuu mumboto nwa blé naa mumboto mosuu; teli nkwete nwa mumboto nkwamotokolo.

³⁸ Nwaphongo kakosa mumboto mamuna, bo zingyi yo. Kakosa mumboto na mumboto bo wamokyela yo.

³⁹ Nzoto ya mbolo iso tili ndengye yonoyo; nzoto ya bato ili na yango ndengye, ya manyama ndengye, ya manyosi ndengye, ya swe ndengye.

⁴⁰ Na nzoto ya mbolo ya ikolo ili, na nzoto ya mbolo ya mokyisi ili. Bolaa pha mbolo ya ikolo bokyese na bolaa pha mbolo ya mokyisi.

⁴¹ Moo mungyengye na ndengye ya nkwango, na bokombe bongyengye na ndengye ya phango, na banyasesi bangyengye na ndengye ya be; na o nte ya banyasesi, nyasesi na nyasesi kangyengye na ndengye ye.

⁴² Yamoba babona imbele sa mokundwa bawe. Bamokunda nzoto ikyi pholo, yamokundwa nzoto itepholo.

⁴³ Wakunde bee nzoto me o manyete, teibe ndaa. Teibe na na bokusi. Wamokundwa yango, yamoba nzoto indaa, ili na bokusi.

⁴⁴ Wakunde bee nzoto me o manyete, kyebe nzoto ili na banga iye. Wamokundwa nzoto me, yamoba nzoto ya molimo. Bo nzoto ili na banga iye ili, na nzoto ya molimo ili me.

⁴⁵ Na bomo, bakoma o buku pha Nwaphongo bofo: Nwaphongo akyelaka moto owa o boo, eli Adama; amophekye bomoo. Ka Adama owa sima ali molimo okoamba bomoo.

⁴⁶ Nzoto ya molimo teiye o boo, kasi kyeye o boo nzoto ili na banga iye; ya molimo kyiye o sima.

⁴⁷ Adama owa o boo, Nwaphongo amokyelaka na mobulubutu nwa manyete mama. Adama owa ibale auta oka Nwaphongo o ikolo.

⁴⁸ Bato baso baali o manyete baulana na Adama owakyela bée na mobulubutu nwa manyete. Baali o ikolo baulana na Klisto moto owa uta o ikolo.

⁴⁹ Bo waulana banga na moto owakyela bée na manyete, nde bomɔ me tomoulana na moto owa uta o ikolo.

⁵⁰ Bande, nalukye iwɔ na bée bobo: Nzoto yakyela bée na munsoti na ná malongo teikokyi izwa bokonzi pha Nwaphongo, na nzoto ikyiwe teikokyi iba na bomɔɔ pha bobele.

⁵¹ Kyeka, naeimole lowɔ lonɔlo laamibomba: Banga baso etoloowe; kasi tomobutwa banga baso ndengye esuu.

⁵² Nwana imbele mokyiky, nde na lokpati-binya la miyo lonɔlo, imbele sa moula bée kyelɔlo eya suka, phɔ imbele sa moula bée kyelɔlo me, bawe bamokundwa obokye bazwe nzoto iteiphɔlo, emba nzoto ya banga baso yamobutwa ndengye esuu.

⁵³ Na bomɔ, nzoto ikyiphɔlo, yamozwa nzoto nsuu iteiphɔlo; nzoto ikyiwe yamozwa nzoto iteiwe.

⁵⁴ Bo maphɔɔ mamana makyelame, waumbo, wamozwa nzoto ikyiphɔlo nzoto iteiphɔlo, na wamozwa nzoto ikyiwe nzoto iteiwe, emba lowɔ laakoma bée o buku pha Nwaphongo lolo

lamokokyisama: Iwaa tesikuli ba, Nwaphongo anyeti iwa.

⁵⁵ Iwa, elonga ya we yango ewa? Iwa etengu ya we yango ewa?

⁵⁶ Etengu ya iwa, eli isumu, emba bokusi pha isumu eli mobeko.

⁵⁷ Kasi tokumole Nwaphongo owa alophe elonga na nzela ya Nkolo wa banga Yesu Klisto.

⁵⁸ Emba bande na nga baa lozingo, b̄ēe otemekye na bokusi ombe na phikama nde phele phele. Omiphekye nde imbele siso o bitoma ba Nkolo, na boebakye obokye ikuma sa b̄ēe pho ya etoma ya Nkolo, etesiikye pha.

16

Taaka ya isunga bebi

¹ Pho ya maphoo maakyekyi taaka ya isungyi sa baanosi ba Yelusaleme, na b̄ēe okyele bo wateyaka nga mangomba ma Galati.

² Eyenga yonoyo na yonoyo, monomo na monomo na b̄ēe, pho ya iambaka bilambo, amanyakye mi mbolo ye bokozwe yo kalangya imbale obokye obakye sa ziya ikoma sa nga.

³ Waamokoma nga, namotoma bato na nkanda obokye bakye ika bilambo ba b̄ēe o Yelusaleme bo wabaoloko b̄ēe.

⁴ Bo wasengyesi obokye na nga nakye omo, tomokye imbanga me molongo.

Maumunya ma Polo

⁵ Sima namoya oka b̄ēe ya nzela eya Make-doniya, pho namoakala o nkyisi me.

⁶ Namoba na b̄eε banaa nkolo; wayoko namunva imbεle siso sa s̄εkye obokye b̄eε, okye nzika mbale eya mokyε nga.

⁷ Pho mbala eye sikyi zinga obokye naya kaa oka b̄eε nde bokaa, nalekane. Nali na phowa ya iba na b̄eε banaa nkolo, bo Nwaphongo aanosi lowo mε.

⁸ Nzuka nakane ikala wawa o Efese n̄ono mokolo moumunya b̄eε eyenga ya Pantekote.

⁹ Pho nambo zwa nzela bobεle, nabe om̄o obokye nakokya etoma eenεε, na baailanga na nga bali baikye om̄o.

¹⁰ Bo Timote akomi om̄o, kyela na bolaa, amiwεε obokye b̄eε omunyangyesi o nte ya b̄eε. Pho kakyele bokokyele nga etoma ya Nkolo.

¹¹ Emba moto sa motiyola, okye moika o imbanga sε bose obokye akule mbutolela, pho nga na b̄ebi tomoziya.

¹² Pho ya nwebi na banga Apolo, namolenza soosoo obokye ayakakye oka b̄eε na b̄ebi bayoko. Kasi tali phele na phowa ya iya unwanwa eye. Nzuka amoya, mokolo ηwamozwa yo nzela.

Maphoo maa suka

¹³ Omibanzakye, oikale ianola na bokusi, omilenzaka, obe na bokusi.

¹⁴ Ozingane mi maphoo maso maakyele b̄eε.

¹⁵ Koebe Setefano na boonkpe phe; bali bato ba o boo baabongola mandondo ma b̄eε oka Nwaphongo o mokyisi ηwa Akaye. Bamibuya bato ba etoma ya Nwaphongo. Bande, naongye na b̄eε

¹⁶ obokye na b̄e okumole bato babana na bato baso baakyele etoma.

¹⁷ Nali na nkyisa na iya sa Setefano, Pholotuna, Akaika, pho baampe ikyi imale nga o sima ya b̄e.

¹⁸ Balenza molimo nwa nga bo kolenza b̄e milimo maka b̄e. Emba, oebe ikumola bato me babana.

¹⁹ Mangomba ma nkyisi ya Azi maelongosi. Akilas na Prisile na Ingomba siangane oka b̄e, baelongosi na iko na iko o nte ya Nkolo ya banga.

²⁰ Bebi baso baali wawa baelongosi. Longonele o nte ya b̄e na inyangana na ndondo yonyo.

²¹ Maphoo mama, nga moto omakomi: Ndongolo ya Polo!

²² Bo moto tazingye Nkolo, azwe bofe! Maranatha! (Kyeimole obokye Nkolo ya banga, yaka!)

²³ Le obokye ngolu ya Nkolo ya banga ebe na b̄e.

²⁴ Naezingye b̄e baso o nte ya Yesu Klisto.

Lobala NT

Lobala: Sangola Eenyakune New Testament

copyright © 2018 Wycliffe Bible Translators, Inc.

Language: (Lobala)

Contributor: Wycliffe Bible Translators, Inc.

All rights reserved.

2025-05-10

PDF generated using Haiola and XeLaTeX on 10 May 2025 from source files dated 10 May 2025

45dc5a8e-f513-5ba3-aad6-e48bd1d5b563